

PROKLAMASIE

CV de Branimeekers

Leef Vastelaovesvrund,

Inkele weke vaan zenuwes koume noe aon 't int
Iech es hoegstigheid bin noe bekint
Vastelaovend viere doort nog e momint
Iers mien sermoen, dat noe begint!

Indelik is de ierste stein vaan de nuifbouw achter de sjaol gelag
Wee had dat mèt dee crisis nog verwach
Ouch is heijmèt de nuife naam geboore
't lang verwachde "Pestoer Mulkenshof" is 't gewoore.

De Gemeinte vreigeld nog steeds euver de duitte um de kabels onder de grond te krieger
En veer oondertosse mèr wachte um 't WOY aon de geng te krieger
Zoonder die sent kump d'r geine tunnel
Wat is dat toch veur e geklungel.

Us famfaar bestoond in 2010 hoonderd jaor
Wat e biezonder fies, veer waore ouch weer dao
't nuif ieuw is veur hun noe weer aongebrooke
Kinne veer hun ouch weer de straot inroope

De nuif apparteminte in Nazareth zien noe bewoent
Mèt de aw roete van de kèrrek, wat is dat toch sjoen
klaoge doen de nuif bewoeners noe neet mie
Zie woene noe in 'nne echte kestiele reseedensie.

De antree's vaan Lummel mooste nudig e nuif aonziech krieger
Kuns, dat is wat de bevolleking moot goon veriere
Kunsterneers maakte oontwerpe en kregre vertrouwe
En Lummel koos oeteindelik veur de "Graanvrouwe".

Mien sermoen is noe bekint
En Vastelaovend viere begint
Gesjreve door Roelof en JOs, echte Lummeleere
Ouch nog alletwie muzikant in hart en neere
Noe goon veer aon de geng en flink aon de zwier
Op de toene vaan " De leefs meh eine kier".

Gegeve te Lummel, 6 fibberwarie 2011, door:

Muzicanticus, Voetbaltechnicus, Machinicus.

Bert 1e

